

20 تفسير سورة الفرقان (2) من قول الله تعالى (واتَّخَذُوا مِنْ دُونَ اللَّهِ أَلَهَةً لَا يَخْلُقُونَ) الآيات 3-01

شوقى عبدالصادق

الحمد لله والصلوة والسلام على سيدنا رسول الله. وعلى الله وصحبه ومن والاه كنا بدأنا في سورة الفرقان ومعنى اليوم قوله تبارك
وتعالى واتخذوا من دونه الة لا يخلقون شيئاً. وهم يخلقون - 00:00:00

ولا يملكون لانفسهم ضرا ولا نفعا ولا يملكون موتا ولا حياة ولا نشورا الاية نتذبرها كويس كده واتخذوا من دونه الة يبقى كده الاله
كم واحد ما لهمش عدد. ما لهمش عدد. ولا نوع - 00:00:24

لعدد ولا نوع سمي القرآن كل العبودات من دون الله الة سمي القرآن كل العبودات من دون الله الة سواء كانت اصناما شمسا قمرا
بشرانا حيوانا حجرا شجرا اي شيء - 00:00:56

اي شيء عبد من دون الله فهو الله القرآن قال كده واتخذوا من دونه الة يبقى كده التسمية تنطبق على كل شيء عبد من دون الله.
وبرضو هننوف عبد يعني ايه مش لازم عبد يعني الناس تتوضأ وتصلي له او تغسل وتصلي له او تحج اليه - 00:01:25
لا صور العبادة برضو لا تحصى ولا تعد ايضا لا يخلقون شيئاً وهم يخلقون. ده حكم الله على الالهة المزعوما للناس. اتخاذها لا
يخلقون شيئاً وهم يخلقون. يبقى كل من لا يخلق - 00:01:51

لا يصح عن ايه؟ يبقى لازم الف به في الالوهية او اول درجة ان يكون بايه؟ بيخلق يخلق لازم يخلق عشان يبقى الله يعني الهي ازاي
من غير ما يخلق - 00:02:18

فلا يخلقون شيئاً وشيئاً نكرة في سياق الايه؟ النفي لا يخلق تقييد الايه حتى وان كان هزا الشيء ذباب يا ايها الناس ضرب ايه؟ مثل
فاستمعوا له. ان الذين تدعون من دون الله لن يخلقوا ولو اجتمعوا - 00:02:39

الذباب لانه مرفوض عالميا. ما فيش حد ما بينشش الذباب ده هو اسمه ذباب لانه يذب. يعني يدفع ويطرد ولا انتم شفتم عوام وفي
ناس ممكن ناس تأكله انما برضه بينشوه - 00:03:07

فيه ما تستغريش اي حد دلوقتي ما تستغريش اي حاجة المهم يبقى اول حاجة ان هم لا يخلقون اي شيئاً شيئاً نكرة تقييد العموم فاي
شيء اي شيء عاجزة عن خلق اي شيء - 00:03:29

لا يخلقون شيئاً. طب بلاش ان هم يخلقوا شيئاً بس يخلقوا انفسهم ويعتزوا بانفسهم مش كده ولا ايه؟ ما احنا ممكن نعمل حاجات
من انتاجنا احنا ممكن. انما لا يبقى لا يخلقون شيئاً وهم ايه - 00:03:52

عاجزون عن خلق انفسهم لسه كمان مع ان ديللي كده كفاية لا تأكيد اكتر ولا يملكون لانفسهم يبقى الخلق رتبة وبعددين النفع
والضر رتبة واحد ما يخلقش نفسه ولا بيخلق غيره بس يقدر ينفع نفسه - 00:04:12

هنا الاية بتقول ولا يملكون لانفسهم ضرا ولا نفعا. هو فيه واحد هيملك الضر ويحبه لنفسه؟ لا ملكيته دور معناها السيطرة والهيمنة
لانك انت لو تقدر تحكم يدك على الضر يعني مش هيصبيك ضر - 00:04:38

معي ولا مش معني؟ يعني انا مسلا اقدر اتحكم مسلا في المرض في المرة لو انا املك ضرا املك ضرا لنفعك الضر هييجي من المرض.
فانا املك الضر يعني ما اخليش الايه ها؟ ما يجيشه ناحيتي - 00:05:02

الصحة نافية. يا مرحبا يا الصحة تعالى طب المرض عاوز يجي راخر اقول له لأ. ما تجيشه الا بمزاجي عشان انا ايه ها؟ بملكة انما لأ

هيجي مش هيستازن ولا ايه - 00:05:25

والموت الحوادس اي حاجة بقى. ملكية الدر معناها انانا ما اخليهوش ييجي ناحيتي. ما هي دي الملكية هو كده هيجي لي اقول له
لأ ما تجيش ما تقدرش تيجي ناحيتها - 00:05:40

لانانا املك يبقى لا يملكون لانفسهم ضرا ولا ايه؟ ولا نفع ولا يملكون موتا ولا حياة ونشورا ما تيجي تحط الحاجات دي جمب
بعضيها تلاقي في حاجات في القمة وبعدين تنزل تحت شوية وبعدين شوية - 00:05:55

هنا النزول والتدنى اللي جايين من الاكبر او الاعزم للادنى. بدأنا بالخلق ما فيش قال تم ملكية النفع والضر ما فيش طب ايه؟ حياة ما
فيش موت ما فيش نشور يبقى كل ما تنزل تلاقي ايه؟ اضعف - 00:06:15

اضعف ومع الضعف ده كله اتخزوهم ايه؟ الة من ايه؟ من دون الله سبحانك يا رب! ايه اللي بيجرى في البشرية ايه اللي بيقرأ في
البشرية؟ ضلال وجهالة والجهالة الحديسة العن من الجهة القديمة - 00:06:37

الجهة الجهالة في الجاهلية الاولى كان الناس عندهم شيء من العقل والمروءة دلوقتي ما فيش عقل خالص مش هقول لك شيء من
العقل ما فيش عقل اصلا ما فيش خالص - 00:07:02

الا ما رحم ربى الاية بتبيين ان الالهة التي يعبدوها المشركون من دون الله سواء كانت بقى بشر وانا ببدأ بالبشر ليه؟ لاني يا ويل الة
البشر من الله السماوات والارض يا ويله - 00:07:17

يا ويل الناس اللي عملوا انفسهم الة ان لم يتوبوا ويعود الى الله يا ويلهم كان منهم وامامهم وسيدهم ورائهم اللي قال ما علمت
لكم يقدم قومه طب غيره ممكن يقدم قومه؟ اية - 00:07:39

وجعلناهم ائمة يعني هو امام كان فيه تابعين له كتير وماشيين وراه وعلى خطاه يخدموه برضه قومهم لأن الاية بتقول يقدم قومه
ولم تذكر اقدامه للآخرين. هو يخدم قومه. طب كل واحد - 00:08:06

اقتنى به برضو ايه ها؟ يخدم قومه. دي عاوزة كلام وربنا بيقول في سورة القصص وجعلناهم ائمة ائمة فهنا نفس الكلام ائمة في
الضلال يبقى كل اللي مش علشان كده واتخذوا من دونه الة. اول الالهة المتخذة البشر - 00:08:33

وبعدين تنزل بقى غير البشر موصوفة طبعا بست صفات الاية واضحة لا يخلقون ايه ها؟ العجز عن الخلق. والعجز عن الخلق ده جه
في اكتر من ايات اخرى يعني في - 00:08:55

ایاب تاني مش في اية سورة الفرقان بس. يعني مسلا قوله تعالى والذين يدعون من دون الله لا يخلقون شيئا وهم يخلقون سورة
النحل. اموات غير احياء وما يشعرون يبقى اول نقيبة العجز عن الخلق - 00:09:08

واتكررت في اماكن كتير. قل ارأيتكم شركاءكم الذين تبعون من دون الله؟ اروني ماذا خلقوا من الارض ام لهم شرك في السماوات
نقيبة الثانية انهم يخلقون يبقى لا يخلقون شيئا والثانية يخلقون. ورضا ايضا في موضع كثيرة - 00:09:27

والذين يدعون من دون الله لا يخلقون شيئا وهم يلقوه. نفس السورة النحل ناقصها الثالثة لا يملكون لانفسهم نفعا ولا ضرا.
جائت في مواضع كتير جدا قل من رب السماوات والارض قل الله قل افتخذتم من دونه اوليات - 00:09:49

لا يملكون لانفسهم نفعا ولا ضرا وملكية بقى الموت والحياة والنشر جاءت في اية على بعضها كده وهي قوله تبارك وتعالى قل ارأيتكم
شركائكم الذين تدعون من دون الله اروني ماذا خلقوا من الارض ام لهم شرك في السماوات - 00:10:09

المهم واتخذوا من دونه الة لا يخلقون شيئا وهم يخلقون. لا يملكون لانفسهم ضرا ولا نفعا ولا يملكون موتا ولا حياة ولا نشورا
واتخذوا من دونه الة قلنا ان كل ما عبد من دون الله فهو ايه؟ ها؟ الله - 00:10:34

كل ما عبد من دون الله فهو الله بشر يبقى البشر اللي بيشرعوا للناس اللي الناس بتعزمهم واللي الناس دول الة الة تعبد من دون
الله عز وجل كل اللي بيشرعوا ولذلك عدي بن حاتم لما دخل على رسول الله صلى الله عليه وسلم وهو يقرأ بعض ايات سورة -
00:11:03

التوبة قدوا سبان الله. قال رسول الله السلام اخذوا احبارهم ورهبائهم اربابا من دون الله والمسيح ابن مریم. قالوا يا قال يا رسول

الله ما عبدهم. ما كانواش بيعدوهم مفهوم عدل ان ما كانواش بيصلوا لهم - [00:11:39](#)

او يصوموا لهم قال له الم يحل لهم الحرام فيتبعوهم ويحرم عليهم الحال فيتبعون. قال انا عقلت تلك عبادتهم دي العبادة بتاعتتهم فعلا دي العبادة بيقى اول حاجة في العبادات البشر - [00:12:06](#)

كل القوانين الوضعية على مستوى العالم اللي وضعها عمل نفسه الله. واللي رضي بها لها وحكمها في الصغير والكبير عبده من دون الله شاء الناس ام ابوا في نصوص ثابتة وقواطع - [00:12:30](#)

اتخذوا احبارهم ورهبانهم اربابا من دون الله والمسيح ابن مريم ناهيك بقى عن الشجر والحجر والاشياء دي شيء عجيب والله زي ما يقول لك في الجاهلية الحديثة طبعا الجاهلية القديمة كان فيها اصنام - [00:12:54](#)

والاصنام دي بترمز لنا الصالحين فضل الدنيا تتطور وابليس يعمل في الناس عمايله يعمل عمايله في الناس لحد ما وصل الحال اني يعني اكيد سمعته عن معابد الفران. سمعتم ولا ما سمعتوش - [00:13:14](#)

معابد الفيران في الهند معبد! ايوة معبد عاملينه للفيران هو اصلا المعبد كان واحدة ست بيقولوا عليها طيبة بس ما اعرفش الطب في الهند نوعها ايه يعني وصالحة برضو ما تعرفش يعني ايه صالحة. هندوس تبع الهندوس - [00:13:34](#)

الست ديت كان لها ولد وغرق ومات بيقولوا بقى الاسطورة اللي عندهم يعني اللي بيدرسوها بقى في المعهد كلمت ملك الموت يرجع لها روح مين روح ابنها ما رضاش قال لها دية في حنة راحت في حنة تانية عند واحد تاني - [00:13:56](#)

اتهيا لها او جايز يكون هو يعني الشيطان قال لها اني محظوظة في الفار دخلت عند الفار يعني فالولية ديت حبت تعمل بقى معبد للفراد. ليه لأن الفران دي حاوية - [00:14:22](#)

ارواح الموتى. ويمكن يكون رحب بين ابنها فين؟ في ضمن فار من ضمن الفران دول في المعبد فيه حسب الكلام اللي قريته واخر حاجة. عشرين الف فار عشرين الف فرد - [00:14:43](#)

مع ان عندنا في الاسلام الفران دي من الفوايسق. وقال النبي عليه الصلاة والسلام خمس من الفوايسق. الفار فاسق يعني مسلم ولا مش مسلم ها؟ مسلم دينه حاجة وفسقه حاجة تانية - [00:15:01](#)

الفار مسلم والتعبان مسلم والعقرب مسلم وله اسلم من في السماوات والارض. ايوة مش كافر ولا حاجة. بس اهو فاسق في افعاله مؤذي يعني مؤذي الرسول صلى الله عليه وسلم قال خمس من الفوايسق يقتلن في الحل والحرم - [00:15:25](#)

في الحل والحرام. يعني في الحل زي هنا وفي الحرم لو لو المسجد الحرام نفسه او مكة او منطقة الحرم يقتل مؤذي مؤذي الحياة والعقرب والفقرة والكلب العقول كده يعني - [00:15:48](#)

لكن في المعبد ده شيء حلو خالص. شف بقى عشرين الف فار وهي تقربيا المعبد كان فيه فارة واحدة بس بيرفع بيضة والباقي كله اللوان اللي احنا عارفينها دي. المهم - [00:16:05](#)

طبعا فيهم ارواح الميتيين فلازم يقدسو ولازم يحترم احسن لبن واحسن جبنة واحسن اكل يتقدم ايه له الهيئة بقى. الة اه بيركعوا لهم ويسجدوا لهم وينحنن قدامهم كده وينام على بطنه او على اي وضع والفتران تركب عليه وبتاع فرحان جدا جدا - [00:16:18](#)

ويا ويلك لو رجلك جت على فرو مات تخش المعبد حافي القدمين لازم تخلع النعيم مقدس معبد مقدس معقول! ايوة في بلد حضارة في بلد فيها سلاح نووي ايوة وبتصدر وبتعمل ايوة - [00:16:48](#)

والمعبد الثاني معبد للبقر. برضو فيه بقر ابيض وبقرة الوازن تانية. فوجئت ان فيه هنا عبادة للبقر في محافظة البحيرة عندنا هنا بقرة الرجل آآما اعرفش اجيبيها منين. بقرة من البقرة اللي هي الملون ده. عندنا هنا في مصر في البحيرة. وجايبيين مجموعة من الناس - [00:17:12](#)

بقى وكات قناه او ما اعرفش ايه برنامج كده من القنوات اللي هي مش دينية يعني. فواحد عملت لقاء مع الناس البقرة بقرة ليه اتضج ان البقرة بتحلب والبن ما تعرفش الشيطان يعني بداية الموضوع كانت ازاي مش عارف هي بدايته كانت ازاي. بس المهم اي حد

تعبان يروح يشرب - 00:17:35

هو يشرب يعني مرتين ثلاثة وتلقيه بقى زي الفل زين ديال الفول وجايبيين لك بقى ناس اللي مش عارف كان ايه اللي بيوجعوا واحد
بيقول له لمرة واحدة من مرة واحدة خلاص. واللي عنده مش عارف ايه مرتين ثلاثة - 00:18:01

كم منز وجادوا راجل صاحب البقرة ويقول لهم يا جماعة البقرة ما بتشفيش وما كانش بيأخذ فلوس وزهق من الناس قالوا له لا ده
مش بمزاجك ده احنا غصب عنك هناخد اللبن بفلوس او بيلاش لازم ايه - 00:18:18

نشرب اللبن وجابوا العميد كلية الطب البيطري كان اسمه زهر على الشاشة بس انا نسيته عميد كلية الطب رايح يشوف ايه موضوع
البقرة والبقرة دي بتطلع ايه والحكاية والبن بتاعها فيه ايه وقالوا ان فيه مشكلة ممكن تبقى حاجات كده - 00:18:36

يعني مش طبيعية مش طبيعية. بس الناس عملت منها ايه ها؟ حاجة مباركة مقدسة وما تستغريش ليه؟ لأن اصلاً ما فيش عقيدة
وما فيش دعوة ما فيش دعوة هو اللي بيعبدوا الفران دول اللي عارف بيعبدوا ليه؟ لأن ما فيش مسلمين - 00:18:54

ليه ما فيش مسلمين؟ ايوة لأن المسلمين حجموا اسلامهم في الركعتين والايدين اللي بيقروهم. حلو كده. وربنا تقبل بس؟ ايوة هو ده
الدين حلو قوي كده. كبار وصغر يعني ولاة امر وعموم المسلمين - 00:19:18

كله هو الدين فين؟ هو الصمت. واحد قال لك ما تعبدش ربنا. حد قال لك ما تصليش؟ الله! طب والكفر اللي موجود ده؟ احنا ما لنا؟
لكم دينكم هيا ده كله بسبب الضلال ده - 00:19:38

كل ده بسبب الضلال وتحجيم الدين واختزال الدين في ركتعين في ايدين وقعدنا بقى نقرأ في القرآن وبس. ونسى بقى الباقي. طبعاً
لما تيجي تقرأ القرآن تجد العجب العجاب. القرآن في وادي واحنا في وادي. طب ما الهدد لما شاف - 00:19:53

بتعبد الشمس ايها احسن وافيد للبشرية؟ الشمس ولا الفار ها؟ الشمس الفار فاسق ومؤذن الشمس مش مؤذنة الشمس نافعة ومع
ذلك سيدنا سليمان ما هدأ له بال حتى نقطت بقولها اسلمت - 00:20:13

مع سليمان لله رب العالمين. سيدنا سليمان في الكوتة. احنا ما لنا وما له؟ احنا ما لنا وما له. اهو ده. اللي قبضوا البقر وعن عبد الفقر.
وعشان كده شف الخزي والعار اللي احنا فيه. لو جه عيسى عليه الصلاة والسلام وقعد زي ما احنا قعدنا. وقعد في المدينة او في -
00:20:41

في مكة ويعبد ربنا ويعمل عمرة كل يوم ويحج كل سنة ويقرأ القرآن ويصلی بالليل. بقى مجى له لازمة ها؟ ما لوش لازمة ما زودش
حاجة واحد من العباد زاد. هنفرض العباد مليونين خمسة عشرة مليون بيعبدوا ربنا. زادوا واحد اللي هو مين؟ اللي هو -
00:21:01

بس كده؟ اه والضلالة ايه؟ والكفر كله زي ما ايه؟ انما لأ عيسى لما بيجي يعدل يعدل موازين الكون المائلة دي هيروحوا الهند ولا مش
هيروح؟ وهيروح روما ولا مش هيروح؟ - 00:21:27

ها تروح كل المعابد ديت يوحد فيها الله نصلي فيها لله بلا فران بلا خنازير بلا صليب بلا بقر بلا اي شيء من هذا بقى الناس وصلت
للمستوى لأن احنا احنا المشكلة فيما هندية دي سبة في جبين المسلمين - 00:21:43

ما احنا كنا هنا بنعبد البقر ايه اللي جاب عمر ابن الخطاب بيعت عمرو بن العاص هنا؟ جايدين يا لمين له ايه؟ ما قعدوش في المدينة
يعبدوا ربهم ليه؟ ايه اللي جابهم هنا - 00:22:08

ولا كانا نعرف حاجة عن الاسلام؟ ايه اللي جابهم هنا؟ لأن هو ده الدين. هو ده الدين في كفر اتحررت وجيوش الاسلامية تتحرك
والدعاة يتحركوا طبعاً هنتحرك ليه؟ والله ان كان في بعسه هيجبوا لنا قرشين في رمضان نروح نقرأ شوية قرآن كده وننغم والايده
ونجيب لنا كم الف كده وننجي. انما ده - 00:22:22

دعوه مين لا لا يا اخوانا اسأل الله رب العرش العظيم اني لا يؤاخذنا بما فعل هؤلاء السفهاء. ده مصيبة تبقى مصيبة لو ربنا حاسبنا
على الناس دي يعني واتحرزوا من دونه الهة لا يخلقون شيئاً وهم يخلقون. ولا يملكون لانفسهم نفعاً ولا ضراً ولا يملكون - 00:22:46
موتاً ولا حياة ولا نشوراً بقى قدیماً عملوا كده وحدیثاً بیتعمل كده حديساً موجود اهو زي ما قلت لكم البقرة اللي في البحيرة والبقرة

لية؟ ما عندك السيد البدوي اربعة مليون ضال سنويا حد ادنى يروحوا يتولوا عنده ويطلبوا منه المدد - [00:23:13](#)

ما اتخزوه الله من دون الله. ازاي ده احنا بنقول يا رب هي ما انت بتقول يا رب بس مفتاح القبول عند ربك هو ده. كانك بتفرضه على الله انت شايف فيه حاجة فانت بتقدمه بينك وبين الله علشان الله يسمع لك بسببه - [00:23:39](#)

مالك بسببه يرضي عنك بسببه. هي نفس القضية. اتخذوا من دونه الة. وقال الذين كفروا ان هذا الا افك افترى. يا الله! طب هم قالوا افك احنا بنقول عليه ايه دلوقتي - [00:24:05](#)

لزمنا الصمت. ده بنقول افك ولا بنقول هدى الا ما رحم ربى يعني كلام المسلمين على القرآن قرآن كلام رب العالمين. طب وبعدين؟ بس كويس كده افك لأ ما هوش افك اعوز بالله ده قرآن كلام رب العالمين. طب امال هو ايه؟ قرآن - [00:24:24](#)

يعني ايه برضه؟ يعني قرآن. يعني هدى اه هدى يعني منهج حياة ما نعرفش منهج حياة يعني ايه صح ولا مش صح منهج حياة ينفع منهج حياة. نسكت بقى هنعمل ايه بقى - [00:24:48](#)

هو كده القضية. منهج حياة في الحاجات اللي تقدر تطبقها انتهى. ما لکش دعوة من غيرك مطالب بتطبيقاتها اخوانا في في مصيبة في انصاصام في شخصيتنا كمسلمين. وقال الذين كفروا ان هذا هزة دي تعود على مين - [00:25:05](#) القرآن. ان هذا الا افك افترى. افك. يعني كذب. افتراء الرسول يعني اختلط وقال الذين كفروا ان هذا الا افك افترى واعانه عليه قوم اخرون احنا ما فرقناش عنهم صدقني - [00:25:25](#)

ليه؟ لاني احنا لو سئلنا عن القرآن مش هنجاوب اجابة صريحة زي ما بقول لك انا كده لو هل هو منهج حياة تقول يعني ايه منهج حياة منهج حياة تسكت ما انت مش عارف يعني ايه منهج حياة - [00:25:49](#)

كتاب هداية؟ ايوة كتاب هداية بس وخلاص هم بقى قالوا افك انت مش عارف تقول ايه ليه؟ لانه فين هو في واقع حياتنا اضعف الایمان يا راجل حياتنا الاسرية فين القرآن في ضبط الحياة دي - [00:26:09](#)

في ان القرآن في ضبط معاملاتنا الاقتصادية البيع والشراء والايارة وال حاجات اليومية اللي احنا عايشينها مش هقول لك بقى نزام الحكم وال حاجات دي لأ في الحاجات اللي هي ضرورية لكل يوم بين كل المسلمين - [00:26:33](#) ان هذا الا افك الافتراه لا الله الا الله. عقول سخيفة جدا عقول الایه؟ المشركون دول. في كل زمان ومكان العقول اللي موجودة دلوقتي يقول لك ما يصلحش هو افك يقول لك لأ مش افك - [00:26:52](#)

طب مفترى؟ يقول لك لا من عند ربنا. طب امال المشكلة فين؟ يقول لك ما يصلحش صعب تنفيذه صعب تنفيذه ده احنا في زمن كزا وكذا وفي زمن تطور وفي زمن - [00:27:09](#)

حرية و زمن اه نفس الكلام النتيجة واحدة ما هو افك يعني ما يتتفش ما لناش دعوة به نفس الكلام مش قفت وتسكت؟ اه والقرآن يرد عليهم في اكتر من موضع ام يقولون افتراق قل فاتوا بسورة - [00:27:24](#)

فاتوا بعشر سور. وبعدين لما هو افتراء لما الرسول افترى القرآن مش انت بشر؟ اه وهو بشر؟ اه. طب ما تعملوا قرآن زي خلاص وتغلبوه تغلبوه يعني يقول لك ايه؟ واعانه عليه قوم اخرون. الله! طب وانت مش لاقين حد يعينكم - [00:27:47](#)

ما تدوروا لكم على حد يعينكم وتعلموا قرآن زيه وترىحوا دماغكم وخلاص ويبيقي كده اتساوت الروس. اه واعانه عليه قوم اخرون. ابن عاشور يقول قوم اخرون لقنوه بعض ما يقوله - [00:28:08](#)

يعني هو اللي بيقول ده لان هم قالوا له قل كده. سبحان الله! يقول روؤي هزا التفسير عن مجاهد وابن عباس اشاروا الى عبيد اربعة واعانه عليه قوم اخرون. ذكر العبيد دول واحد اسمه عداس - [00:28:25](#)

واحد اسمه يسار ابو فكيهة. واحد اسمه جبر. كلهم عبيد. كلهم من الفرس كانوا قرأوا التوراة وقرأوا الانجيل واسلموا في الآخر اسلموا. فكان الرسول بيقعد معهم اسلموا وعبيد وموالي وهم دول اللي كانوا بيلتفوا حول الرسول في بداية الامر لما اسلموا وبيتردد عليهم ويقعد معهم قالوا يبقى هم اللي ايه - [00:28:42](#)

هم اللي بيعينوه وهم اللي بيقولوا له قل كزا فيقول. ما شاء الله. طب ما هم دول عبيد ومواليد يعandوكو يا سادة قريش ما تاخدوهم

بایه يلقوکم زمن ایه زملک قانون هي صعبة يعني - 00:29:09

فقد جاءوا ایه؟ ام يقولون افترى وقال الذين كفروا ان هذا الا افك افتراه واعانه عليه قوم اخرون رب العالمين يا اخوانا ما احلمه
والله ما احلمه! حليم حليم حليم - 00:29:33

سابهم يقولوا الكلمة دي ويرد عليهم بقرآن والرسول يرد عليهم ويقرأ القرآن. سبحان الله! ربنا سبحانه وتعالى لو نسفهم كان حد
هيحاسبه سبحان الله! سابهم. يقوم يقول ايه؟ فقد جاءوا ایه - 00:29:52

ظلموا وزورا ظلما. ظلمه مين؟ ظلموا انفسهم. قبل اي حاجة لما تتطاول على القرآن تبقى زلت نفسك. وزلموا الرسول زلموا انفسهم ان
هم قالوا عن قرآن ان مفترى. وظلموا الرسول ليه؟ لأنهم اصلا عقیدتهم في الرسول انه ما بيفترىش - 00:30:13

ده هم ملقبينه بالايه؟ الصادق الامين. طب ازاي بقى مفترى اول ما نطق بالقرآن وجابوا القرآن بقى مفترى قالوا يا صالح قد كنت ایه؟
فيينا مرجوا قبل هذا ده في سورة هود يا رسول الله شف بقى بين سيدنا صالح وسيدنا محمد كم الف سنة - 00:30:38

ونفس الكلام اللي اتقال لسيدنا صالح اتقال لمين؟ قالوا يا صالح قد كنت فيينا مرجوع كنا بنحبك قبل ما تقول اعبدوا الله ايه ها ما
لكم من الله اول ما قلت دي هننزلع منك بقى - 00:31:06

هننزلع منك بقى فنفس الكلام بنقول على الرسول صادق امين بس اول ما قال برضه قولوا لا الله الا الله تفلحوا. قالوا ایه؟ افترى ده
كلام مفترى. بيقى بيقول عليه صادق امين. ولذلك رب العزة بيطمن سيدنا النبي يقول له قد نعلم انه ليحزنك - 00:31:21

الذى يقولون فانهم لا يكذبونك ولكن الظالمين بيات الله اه جاؤوا ظلما وزورا والزور الكذب يعني ايه المحكم الزور الكذب
المحكم المتقن فقد جاءوا ظلما وزورا وحتى كمان العجم اللي هم بيقولوا عليهم دول اللي هو آآ - 00:31:42

عباس وابو يسار او ابو فكيهه والمجموعة دي عدم اصلا اصل العجم مش مش بينطقو العربية يعني بطلاقة. لأن ذلك القرآن يعيي
على الناس دي في سورة النحل. ولقد نعلم انهم يقولون انما يعلمه ایه؟ بشر. لسان الذي - 00:32:17

يلحدون اليه. يلحدون يعني يميلون اليه. اللي بيقولوا انت تروح تقدر معهم اعجمي. وهذا ايه زي واحد عجمي يجيبي القرآن ده ده
العجبية لما تشوف لو انت قعدت مع واحد من العجب - 00:32:39

تلاليه يتكلم بلغته اما لما يجي عنده قرآن لازم يقرأ باللغة الایه العربية. سبحان الله تدي له اي كتاب ما يعرفش ولا كلمة فيه. تدي له
المصحف يقرأها يبابا ويقرأ ما شاء الله - 00:32:57

بيقى الموضوع هو العكس هو الاصل ان ده اللسان عربي ودول عجب ازاي يجيبيوا الكلام البليغ ده؟ نفس اضافة بقى على كلامهم
قالوا وقالوا طيروا الاولين اكتتبها قرآن اساطير اه - 00:33:17

اساطير الاولين يعني قصص الاولين حواديت الاولية ما هي قصة نوح وقصة هدوء وقصة قصص واصحاب الكهف. الحاجات اللي
هي كلها نزلت في مكة ديت لایات المكيات دي كلها؟ فقالوا اساطير الاولين. قصص الاولين. اكتتبها - 00:33:36

اكتتبها يعني هم عارفين الاصول ما بيكتبش يعني خلى حد يكتبها وبعددين هو ايه يرددتها لا ما بيقراش برضه يرددتها ويقولها فهي
هي اساطير الاولين اكتتبها فهي تملئ عليه بكرة واصيلا - 00:33:59

كان الكلمة دي من المفسرين ابن عاشور بيقول ان دي على لسان واحد بعينه اللي هو النضر ابن الحارس هو اللي قال الكلمة دي ليه
بقي؟ لأن النضر كان قاري شوية قصص وعارف شوية قصص كده - 00:34:19

عن ملوك الفرس واحاديث رستم وشوية ملوك من القدامى دول فكان يقول لهم ايه؟ يا معاشر قريش والله انا والله احسن حديسا من
محمد. تعالىوا اقعدوا معي وانا اقول لكم قصص احسن من ايه - 00:34:37

من القصص اللي بيقولها ايه؟ محمد سبحان الله. وقالوا اساطير الاولين ايه اكتتبها. سيدنا عبدالله ابن عباس يقول اساطير الاولين
في القرآن فالمعنى منه كل ما تلاليي كلمة اساطير اولين دي المقصود منها - 00:34:56

الناظر ابن الحارس ده هو اللي قال دي وهو اللي فجر الحنة دي جملة فهي تملئ عليه بكرة واصيلا. تفهم منها ايه بكرة واصلا يعني
ايه الاول؟ صباحا ومساء. تفهم منها ايه؟ تفهم منها ان كان الرسول يجي له وحي بالليل يصبح الصبح ايه - 00:35:12

يقرأها عليهم يقولوا وحي بنهار يقرأها عليهم. فهم بيفاجئهم بقى صباحاً ومساءً يجيب لهم ايه ها فيقول لك اية اهي تليت عليه اهي ويفهم منا ان القرآن كان ينزل ايه ها - [00:35:35](#)

في كل ساعات الليل والاليه والنهار وساعات الحضر والسفر ومكة والمدينة وبين مكة وبين المدينة. كل ده موجود قال رب العزة سبحانه ردا عليهم برضو ما احلمه والله. ربنا ما احلمه. حليم عليه - [00:35:50](#)

ويرد عليهم ويصحح لهم المفاهيم. لعل الناس تنزجر وحتى الان برضو. حتى الان قل انزله يا محمد قل لهم لا ده مش اساطير الاولين. قل انزله ايه؟ ها؟ الذي يعلم السر في السماوات والارض - [00:36:11](#)

انه كان غفوراً رحيمـاً قـل انـزل تـفـيدـ الكلـمةـ دـيـ انـ القرـآنـ هـاـ كـانـ فـيـ منـصـبـكـ. ماـ فيـشـ نـزـولـ الاـ مـنـ الـايـهـ؟ مـنـ الـعـلوـ اـنـمـاـ مـنـ تـحـتـ لـفـوـقـ اسمـهـ اـيـهـ؟ صـعـودـ وـعـرـوـقـ. تـعرـجـ - [00:36:29](#)

اه واحد بالك آآ اليه يتصعد. اما النزول دايماً منين؟ من العلو. يبقى تفیدنا القرآن كان فين؟ في العلو ونزل. قل انزله وتفیدنا في حاجة كمان مهمة جداً. طالما انزله - [00:36:52](#)

يبقى مصدره منين؟ من السما. ولا مصدره من الأرض اطلاقاً يبقى مش اساطير اولية يعني مش طالع من الأرض نازل منين؟ من السما ما لوش مصدر من الأرض ابداً - [00:37:10](#)

وليس القرآن من ابداع الرسول ولا غير الرسول صلى الله عليه وسلم ورد طبعاً في ايات طوخ اخرى كيفية النزول. قال رب العزة قلنا نزله برضو من العلو. روح القدس - [00:37:30](#)

من ربك واضح؟ اه قل من كان عدواً لجبريل فانه نزل على قلبك باذن الله. وانه لتنزيل رب العالمين نزل به الروح الامين على قلبك. قل انزله الذي يعلم السر في السماوات - [00:37:45](#)

الارض انه كان ايه؟ غفوراً رحيمـاً. الاـيـهـ دـيـ عـجـيـبـةـ اوـيـ. اوـلاـ يـعـلـمـ فـيـهاـ وـعـيـدـ وـفـيـهاـ وـعـدـ وـعـيـدـ فـيـنـ الـوعـيـدـ قـلـ انـزلـهـ الـذـيـ يـعـلـمـ السـرـ فيـ السـماـوـاتـ وـالـارـضـ دـهـ وـعـيـدـ اـهـوـ بـقـىـ. ليـهـ - [00:38:09](#)

لانـيـ اـنـتـمـ قـلـتـمـ اـفـتـرـاهـ وـاعـانـهـ عـلـيـهـ قـوـمـ اـخـرـوـنـ. ماـ خـفـتوـشـ مـنـ رـبـناـ سـبـحـانـهـ وـتـعـالـىـ اللـيـ بـيـعـلـمـ السـرـ هـيـحـاسـبـكـمـ عـلـىـ دـيـ وـلـاـ مشـ هـيـحـاسـبـكـمـ حـتـىـ اللـيـ مـاـ قـلـشـ وـنـظـرـ لـلـقـرـآنـ نـظـرـةـ مـعـيـنـةـ كـدـهـ - [00:38:34](#)

وعـيـدـ انـزلـهـ لـانـ فـيـ مـمـكـنـ وـاحـدـ يـنـزـلـ القرآنـ نـظـرـةـ كـدـهـ. لاـ قـادـرـ يـوـاجـهـ وـلـاـ قـادـرـ يـفـصـحـ عـشـانـ مـاـ يـتـهـمـشـ بـاـتـهـامـاتـ مـعـيـنـةـ وـفـيـهـ وـاحـدـ فـاجـرـ يـقـولـ مـاـ يـهـمـوـشـ الـوـادـ الـمـعـرـوـفـ اـيـاهـ دـهـ لـمـاـ كـانـ بـيـقـولـ هـلـكـ عـنـيـ سـلـطـانـيـ - [00:38:54](#)

سمـعـتـوهـ وـلـاـ مـاـ سـمـعـتـوـشـ؟ـ هـاـ؟ـ فـاجـرـ هـلـكـ عـنـيـ سـلـطـانـيـ وـيـتـقـطـمـ وـمـاـ حـدـشـ بـيـحـاسـبـهـ بـيـقـىـ نـيـجيـ هـنـعـيـدـ عـلـىـ اللـيـ عـاـمـلـيـنـ مـعـدـ للـفـيـرـانـ هـنـعـيـدـ عـلـيـهـ وـاضـحـ وـلـاـ مشـ وـاضـحـ؟ـ اـهـ ماـ تـخـافـشـيـ دـهـ مـاـ خـافـشـ بـقـىـ - [00:39:15](#)

فالـاـيـةـ بـتـقـولـ يـعـلـمـ فـانـتـ لـوـ نـظـرـتـكـ لـلـقـرـآنـ اـنـتـ بـتـقـولـواـ فـيـ تـرـاهـ وـاعـانـهـ عـلـيـهـ قـوـمـ اـخـرـوـنـ. مشـ خـاـيـفـيـنـ هـتـتـحـاسـبـوـاـ عـلـىـ الجـمـلـةـ دـيـ حتىـ لوـ مـاـ قـلـتـهـاـشـ نـزـرـتـكـ لـمـحـمـدـ صـلـيـ اللـهـ عـلـيـهـ وـسـلـمـ وـنـزـرـتـكـ لـلـقـرـآنـ لـوـ كـانـتـ كـدـهـ - [00:39:43](#)

خـلـيـ بـالـكـمـ اللـيـ بـيـعـلـمـ السـرـ اـيـهـ هـاـ هـيـحـاسـبـكـمـ مـسـلـهـاـ تـمـاماـ وـمـنـ يـرـدـ فـيـهـ بـاـيـهـ؟ـ اللـيـ هـوـ مـيـنـ؟ـ الـحـرـمـ. وـاـيـهـمـ اـعـظـمـ؟ـ الـحـرـمـ وـلـاـ القـرـآنـ هـاـ؟ـ قـرـآنـ طـبـعـاـ حـرـامـ دـهـ مـخـلـوقـ - [00:39:59](#)

مـخـلـوقـ إـلـىـ كـلـ الـحـرـمـ مـنـ اـوـلـهـ لـاـخـرـهـ كـدـهـ مـخـلـوقـ. اـنـماـ القـرـآنـ مـنـزـلـ كـلـامـ رـبـ الـعـالـمـيـنـ إـلـاـ اـزاـ كـانـ اـنـ مـنـ يـرـدـ فـيـهـ بـالـحـادـ بـيـقـىـ اللـيـ هـيـنـزـ للـقـرـآنـ نـزـرـةـ اـسـتـخـافـ اوـ ماـ يـنـفعـشـيـ. هوـ كـلـامـ مـقـدـسـ وـخـلـاصـ - [00:40:22](#)

ماـ يـنـفـعـشـ يـطـبـقـ دـيـ نـظـرـةـ لـهـ دـيـ تـهـدـيـدـ بـقـىـ دـهـ وـعـيـدـ انـزلـهـ الـذـيـ يـعـلـمـ السـرـ فيـ السـماـوـاتـ وـالـارـضـ الـوـعـدـ فـيـنـ بـقـىـ؟ـ اـنـهـ كـانـ اـيـهـ؟ـ بـيـقـىـ مـهـمـاـ كـانـ عـنـدـكـ اـخـطـاءـ لـوـ تـبـتـ إـلـىـ اللـهـ وـرـجـعـتـمـ اـلـيـهـ فـهـوـ اـيـهـ؟ـ هـاـ؟ـ غـفـورـ رـحـيمـ. بـيـقـىـ وـعـدـ وـاـيـهـ؟ـ وـعـيـدـ. دـكـتـورـ حـضـرـتـكـ نـزلـهـ - [00:40:40](#)

وانـزلـهـ. نـعـمـ الـاـولـ اللـيـ هـوـ الـمـنـجـمـ. مـنـجـمـ نـعـمـ. اـمـاـ اـنـسـاـهـ هـيـكـوـنـ دـهـ النـزـولـ الـاـولـ مـنـ مـنـ اللـوـحـ الـمـحـفـوظـ لـلـسـبـاتـ دـيـ؟ـ لـاـ مـانـعـ. وـبـرـضـوـ انـزلـهـ عـلـىـ رـسـوـلـ اللـهـ بـرـضـهـ فـانـزلـهـ بـرـضـوـ عـلـىـ رـسـوـلـ اللـهـ. لـانـيـ نـزـلـ الـوـحـيدـ اللـيـ تـفـيدـ التـفـرـيقـ. نـزلـ. اـمـاـ انـزلـ - [00:41:07](#)

اشمل الالتين تشتمل الجملة والتفريق. نزل الوحيد اللي تفید التفریق اما انزل تشتمل الجملة وتشتمل برضه الايه التفریق ولان هنا انزل في السورة هنا سورة الفرقان سورة الفرقان مکية في مكة ونزل القرآن بدايته في مكة - 00:41:33
يلا فما تجييش هنا نزل. ليه؟ لأن لسه بقیته ايه ما نزلش لسه في المدينة لسه في تمانیة وعشرين سورة في المدينة تمانیة وعشرين سورة في المدينة لستة كلهم مدنیات - 00:41:57

منهم الطوال منهم السبع الطوال البقرة وال عمران كل ده لسه هينزل اه اه ماشي ماشي لأ ما عيب هتیجي جملة واحدة علشان اعتراضهم على التفریق اللي هو بكرة واصيلا. كانوا عاوزينه جملة واحدة عشان بيقى الهجوم - 00:42:17
مرة واحدة فهو دلوقي بييجي واحدة واحدة عشان يسبت الفؤاد ويقرأها يقرأه للناس على مهل فعشان كده تيجي ايه نزل وقالوا ما لهذا الرسول يأكل الطعام ويمشي في الأسواق خلي بالك وقالوا ما لهذا الايه - 00:42:39

ه؟ بيقى معترفين به ولا مش معترفين امال المشكلة فين المشكلة اني اني عادي ان ما عهوش مؤهلات القيادة زي الصورة هنا وسورة الزخرف هنا اعترفوا انه رسول. بعد كده مش هيعرفوا - 00:43:06

تاني بس هنا الاية دي اعترفوا قالوا ما لهذا الرسول يأكل الطعام تؤكد الجملة المباركة دي اعتراف الكفرة بالرسول وانه رسول حقا ولكنهم يكابرلون زي الاية اللي في سورة الانعام قد نعلم انه ايه - 00:43:28
لا يحزنك الذي يقولون فانهم لا يكتذبونك ومم يؤكد انهم مصدقون ان القرآن من عند الله بس الاعتراض على الرسول. انهم قالوا لولا الى هذا القرآن. بيقى اعترفوا ان هو ايه - 00:43:48

رسول بس سمعهوش مؤهلات الرسالة واعترفوا بالقرآن بس قالوا يا ريتكم كان نزعل على حد تاني واخد بالك من الالتين اه وقالوا ما لهذا رسول وخلي بالك ما لي هذا - 00:44:09

موجودة في المصحف كلها بالطريقة دي. فصل اللام بتاع لي ما لي عن هذا سواء جه لهزا ده برضو من الاعجاز في الرسم وليه من غير ليه ما لهذا الرسول مال - 00:44:32

واللام مكسورة ما لي لهذا الرسول ما لي هذا الكتاب فما للذين كفروا قblk واخد بالك كل في الرسم كله فاصلين اللام عن الايه اه اه ابن عاشور برضه بيعجبني بيقول تقريبا كان الحرف العربي في البداية كل الكلمات بتكتب كده - 00:44:53
يعنى كلمة حروفها سايبة وبينها وبين اختها فاصل بسيط كده وبعدين الكلمة الثانية. كل الحروف ايه ها كل الكلمات حروفها ايه سايبة وبعدين بدأ نايه؟ نجمعهم فجاء على الوضع الاول او على الاساس الاول. وقالوا ما لهذا الرسول - 00:45:21
يأكل الطعام ويمشي فين في الأسواق. تعنت بقى. يعني ده عيب؟ لأ مش عيب هتیجي مؤهلات الرسالة ومؤهلات الاصلاح خلي بالك خلاص ما فيش رسول تانية يا اخوانا هو فيه رسول تاني - 00:45:43

بيبقى مؤهلات الاصلاح هي نفس الكلام ونفس الفكرة اللي موجودة عند الكفرة ما لهذا الرسول يأكل الطعام ما لهذا الزعيم او قائد يأكل الطعام ويمشي. ما لهذا المصلح اللي بيحلى لنا محل الرسول وعاوز يعدل الكون - 00:45:59
بالاسلام يأكل الطعام ويمشي برضه فين تخدم مالكو ولا لا واخدin بالكم يعني المنطق ايه ها؟ واحد والنظرة ايه؟ واحدة. نظرة الكفرة للرسول على ان الرسول قائد ورسول ومصلح وهيعدي للكون - 00:46:19

فالمؤهلات بتاعته ما عهوش مؤهلات ايه اللي ما عهوش موهيلات حسب الكلام الاية اهو. يأكل الطعام ويمشي فين ويمشي في الأسواق يعني ايه برضه ولسه هيقولوا تاني برضو - 00:46:45

بيقى احنا لازم نخلی بالننا من الحنة دي يعني انت اللي عاوز تبقى مصلح هينظر في شأنك لك رصید في البنك راكب عربية احدس موديل وضعك ايه بالضبط لا لا ما فيش الكلام ده خلاص. ما عندیش الكلام ده. بيقى ما تنفعش - 00:47:02
بيقى ايه؟ ما تنفعش ما تنفعش ليه؟ اصل فيه احسن منك وقلنا عليه ايه ها ما ينفعش. قالوا ما لهذا الرسول يأكل الطعام ويمشي في الأسواق. يعني ايه يعني ما عندوش عبید وما عندوش خدم وما عندوش قصور وكذا وكذا. ما هيقولوا الحاجات دي بعد كده لسه تاني - 00:47:23

قال اني مقومات الرسل. طب هم مقومات الرسالة ايه؟ وخلي بالك ده موجود على طول الخط مش من النهاردة طوال. يعني مسلا
الم تر الى الملا منبني اسرائيل من بعد موسى اذ قالوا لنبي لهم ابعث لنا ملكا نقاتل في سبيل الله - 00:47:54
مش كده قال لهم ايه طالوط ان الله قد بعث ايه؟ ان الله قد بعث لكم طالوت ماليكا. ملكا يعني يعمل ايه مالك طب مين اللي
هييعن الملك؟ النبي - 00:48:12

وقالوا لنبي لهم ابعث لنا ملكا يبقى مين اللي يشيل ويحط الملك؟ النبي او اللي يحل محل النبي اللي هم العلماء اهل الحل والعقد
يشيلوا الملوك ويحطواها ابعث لنا ملكا - 00:48:34

نقاتل في سبيل الله. فمنقوش في الملك اللي ربنا بعثه مؤهلاطي لايه الملك قالوا انى يكون له الملك علينا؟ ونحن احق بالملك منه ولم
يؤتى ايه؟ سعة من المال شفت بقى مؤهلاطس الايه؟ وقالوا لولا نزل هذا القرآن على رجل يعني عنده مال - 00:49:00
عنهه مال وارصدة وحسابات وسيارات واخر موديلات وقصور هو ده اللي ينفع ويصلح وهو ده اللي ينفع قائد وزعيم. اما لا عنده
علم. لا لا ان الله قد اصطفاه عليكم وزاده ايه؟ اصطفاه. كفاية دي. يبقى دي اعز ايه ها؟ اعظم - 00:49:30
مؤهل اصطفاه ان الله قد اصطفاه عليكم وزاده بسطة في العلم والجسم ما عندوش امراض مشوه اللي كده. وباسقة في العلم
علم مش عندكم مش عندكم هي نفس الكلام - 00:49:54

شف بقى يعني من ايام سيدنا موسى ايام سيدنا محمد الى ان تقوم الساعة المصلح القائد الزعيم الناس ترى فيه مؤهلاطس والقرآن
حاطط له ايه ها مؤهلاطس هل نشا لي مؤهلاطس؟ الناس هتمشي - 00:50:16

اللي عندها خلص اشريوا طب القرآن حاطط مؤهلاطس لو مشينا مؤهلاطس القرآن يبقى خير لنا وايه قولوا واضح ولا مش واضح فهنا
بيقولوا ما لهذا الرسول يأكل الطعام ويمشي في الأسواق - 00:50:40

طب دي مؤهلاطس تمنع او دي حاجة تمنع ان يمشي في الأسواق ويبقى نبي طب ما داود مش كان نبي وكان ملك بس ميزة داود
بقى او حظ داود عليه الصلاة والسلام ان ربنا اللي منصبه. ما حدش ايه؟ منصبه ومدي له بقى - 00:51:02
القوة والتمكين ما حدش يقدر يقف قدامه وبعددين عنده بقى مصنع السلاح كله هتعمل فيه ده ايه بقى اللي بيصنع السلاح ده ده مش
بيشتريه ولا بيستورده ده بيصنعيه وملك ونبي - 00:51:22

ما حدش يقدر يجي ناحيته بقى خلاص رزقه ما فيش اعتراض بقى ما حدش يقدر يعترض من مؤهلاطس الاصلاح والملك
والقيادة الفاسدة ما قاله فرعون وكل الفراعنة الصغيرين وانت نازل بقى - 00:51:39

بيقول ايه بقى؟ بيقول فلولا القى عليه ايه؟ قام انا خير من هذا الذي هو مهين ولا يكاد يبين فلولا القى عليه اسورة من ذهب او جاء
معه الايه؟ طب يعني لو موسى كان معه حتنين دهب - 00:51:58

ومعهم ملايكة كان ينفع بقى ملك مصر هنطلع حجة تانية فهتطلع الحج هيطلع مش ايه ها ها لأ وقف لسانه خلاص ربنا
حل العقدة من اللسان هنطلعه قالوا مش مصرى - 00:52:18

اسرائيل لولا القى عليه اسورة من ذهب او جاء معه الملائكة يعني لو كان معها الحاجات دي ينسى مع ان مين المصلح موسى ومين
المفسد عرفت فهنا بيتكلموا في مؤهلاطس الاصلاح. مؤهلاطس الرسالة. ما انا بقول لك ما فيش رسول تاني - 00:52:40

يبقى القائد يبقى الزعيم يبقى المصلح يمشي في الأسواق. طب يمشي في الأسواق. ايوه يمشي على رجليه؟ ايوه يمشي على رجليه
عنهه عربية اهلا وسهلا. طبعا له ارصدة؟ ما يمنعش بس في حاجات حلال - 00:53:04

كان ما عندوش ارصدة وماله معقوله ينفع بقى زعيم ومصلح؟ ايوه هو الزعيم والمصلح والرسول ما ماتشي وعليه حق
الشعير لليهودي ديك تضر الرسالة في حاجة تضر الزعامة في حاجة - 00:53:21

تضر اصلاح النبي في حاجة ولا ايه ها مش كده مش كان يمشي في الأسواق لاصلاحها مش هو اللي قال لصاحب الطعام ما هزا يا
صاحب الطعام وقيس عليها كله بقى - 00:53:46

مش مشيوا في الأسواق اللي يصلحوها مش جه بعده عمر كان مصلح وقائد وزعيم ومشي في الأسواق ولقي ابل ولده عبدالله ولقاها

حلوة كده جميلة. تجيب فلوس كتير وسائل بتاعة مين دي - 00:54:04

قالوا له بتاع يا عبدالله عبده الله اه اجيها منين ديت واحلوت فين الابل دي اكيد كنتم بتقولوا اسق ابل ابن امير المؤمنين ارعوا ابل ابن امير المؤمنين وسايبين ابل الصدقة اكيد. كنت بتجامله ابن امير المؤمنين ابن امير المؤمنين - 00:54:27

تعالى يا عبدالله نعم يا ابي بيع الابل دي حاضر. لك رأس المال اللي انت حطيته فيه وما لكش مكسب كل الزيادة تنضاف لبيت مال المسلمين. مش هم دول اللي مشيوا في الاسواق - 00:54:49

عملوا ايه في الاسواق؟ ها؟ زيطوها المصلحين الرسل مشيت في الاسواق وزيطوها. ده عيب! مش عيب لكن لا وقالوا ما لهذا الرسول يأكل الطعام ويمشي في الاسواق. لو لا انزل اليه ملك فيكون معه ايه - 00:55:06

نذيره. بقى انت عارفين الملائكة؟ طب الملائكة اللي جت لو انت هتعرفوها احنا على سبيل المسال لو فيه ملك دلوقتي هنعرفه نعرفه ان هو ملك ها يعرف ان هو بالك - 00:55:32

هننشوفه ازاي ونعرفه ازاي؟ عشان نشوف فهمت شوف وجبريل لما كان بييجي ما كانواش الصحابة يعرفوا ان جبريل الا الرسول قال لهم ده جبريل خلاص بيقى جبريل يخلصوا ويمشوا قلوب اللي كان قاعد مع ناديه جبريل - 00:55:45

هم شايفين بشر قدامهم فازاي بتطلبو حاجة انت مش هتعرفوها. كنز ماشي او يلقى اليه كنز بيقى اولا مش عاوزينه يمشي في الاسواق طيب افرض اني مشي في الاسواق. قال لك بيقى معه كنز - 00:55:59

يعنى ينزل السوق كده يشتروا كل اللي في السوق يهياص الناس اللي في السوق كده بيقى بيقى رسول تقييل كده او مصلح دين احنا قلنا خلاص ما فيش رسول مش كده ولا ايه - 00:56:20

بيقى اي هو دي اعتراض على مؤهلات المصلحين والقاده بشر ويمشون في الاسواق ما عهمش كنوز كنز يعني حسابات دلوقتي بقى تبقى حسابات السبات ما لوش حسابات ما عندوش شركات. ما عندوش مصانع. ما عندوش مزارع. ما ينفعش بيقى مصلح - 00:56:35

في مصلح بيقبض مرتب؟ ينفع او بيقبض معاش! ايه مصلح ده! هي عمل ايه ده ان شاء الله! احنا عاوزين حاجة تقيلة او تكون له جنة يأكل منها جالنا جنينة جنينة و حاجات كده - 00:56:58

ما يستوردش مسلا ويأكل الناس حواليه وخليل بالك يلقى اليه كنز بيقى عارفين المشركين عارفين ان ربنا في السماء يلقى مش يدفع اليه لأ يلقى بيقى المشركين عارفين ان ربنا فين - 00:57:16

ما شاء الله علينا وعليكم في كل مكان مشركين يعلموا ان الله في السماء يلقى اليه كنز. عاوزين نشوف كده حاجة من السماء نازلة عليه كده هوت. نفتح نلاقي فلوس كنوز دهب فضة اي حاجة - 00:57:38

او تكون له جنة يأكل منها وقال الظالمون لمين؟ للمؤمنين بقى لكم خيبة ليه؟ ان تتبعون الا ايه رجلا مسحورا تناقض عجيب تتبعون رجلا مسحورا ولسه قالوا ما لهذا الایه؟ هو رسول ولا رجل مسحور - 00:57:54

واحد بالك من الكلام ولا ؟ وقالوا ما لهذا الایه؟ وفجأة وقال الظالمون المشركون الكفرة للاتبار نفس الكلام فيه ظالمون برضو ايوة طب هيقولوا لمين؟ هيقولوا للملتزم - 00:58:24

اللي بيقول عليهم ملتزمين. جا لكم خيبة. ليه؟ انت الدين بتاعكم ده ضيعتم عمركم فيه وقرفت نفسكم وانتم جننتوا لا حاجة زادت عليكم ولا قلت منكم امال كنتم عاوزين نعمل ايه؟ كنتم روحوا ايطاليوا روحوا فرنسا خلي - 00:58:40

يتلمع معكم كده. الواد فلان راح والبنت فلانة راحت ولا ايه؟ وانتم قاعدين ليه بقى الكتاب والسنة والكتاب والسنة والعلم والدروس ايه ده نفس المنطق يا اخواننا هي النظرة واحدة ما بتتغيرش - 00:58:59

وقال عشان ما تفرش وعلشان تسبت وما تتنزععش زي الكلام ده انتقال لاسيادك انتقال للصحابة واتقال في حق الرسول عليه الصلاة والسلام تتبعون رجلا مسحورا وانتم خايبين ومش عارفين مصلحتكم فين - 00:59:15

والدنيا راحت كتير وانتم لسه قاعدين لي سبحان الله. اتهموا الرسول طبعا بكل الاتهامات وكلها غلط. غلط غلط مر بالسحر

ومرة بالكهانة ومرة ولذلك يقول رب العزة بعدها انزر كيف ضربوا الايه - [00:59:38](#)
مسلوا مسلوك بالساحر ومسلوك بالكافر وسلح شاعر كل ده باطل باطل وقال الظالمون اي للمؤمنين الا امنوا واسلموا. اكيد طبعا اكيد لما واحد منهم يقول لبلال مسلا شايف بلال عمال - [00:59:57](#)

بيتعزبوا صابر. وليه البني ادم ده صح ولا مش صح مين انت اللي متبعه ده وعمال تتحمل القرف والازى عشان ده مش كده ولا ايه؟
اكيد قالوا له القرآن بيحكي الاحداس دي اجمالا اجمالا - [01:00:17](#)

اكيد قالوا واحد زيلان ليه بنتعامل في نفسك كده ليه؟ شف بقى بلاد يقول والله لو اعلم كلمة تغزهم اكتر من احد لايهم؟ لغزتهم. ايه ده
شوف السبات شف السبات زي ما يقول لك انا كده - [01:00:32](#)

بقول لك ايه ايه يا عم الالتزام ووجع الدماغ اللي انتم عايشين فيه ده يا عم فكك فكك عيش عش اتحرك اتنقل شوية ما تباقاش كده
ایوه يبقى مؤهلات الاصلاح مؤهلات المصلحة - [01:00:51](#)

القرآن فندتها وهل هي مبنية على العلم واصطفاء رب العالمين واختيارها لا لها دعوة بالفلوس ولا بالقرص ده ولا وقدامنا سيدنا
النبي اهو. وقدامنا كمان داود رغم كل ده - [01:01:14](#)

اكل من عمل يده. يعني نزل لمستوى مين ها للمستوى الشعبي الشعبي حداد ملي ونبي وحداد يعني نزل لمستوى الصناعية
الحرفيين بس الوضع عند داود مختلف عن سيدنا النبي. ما كانش حد يجرؤ بيجي ناحيته ولا يتكلم في حقه كلمة اصلا. انما
سيدنا النبي - [01:01:33](#)

ابي اتكلموا كتير قالوا مرة قالوا رسول وقال رجل ايه؟ وقالوا ما لهذا الرسول وبعدين ان تتبعون الا رجلا مسحور نكتفي بهذا القدر
نسائل الله ان ينفعنا بما علمنا وان يعلمنا ما ينفعنا - [01:02:01](#)

يقول لزوجته بصفة مستمرة ولا يرجع عن الخيانة نسائل الله ان يظهر بيوت المسلمين اولا الزوجة ما تفتش ورا هزا الزوج يقول لك
شوف تليفونه ولا تراقب اتصالاته ولا شيء من هزا - [01:02:25](#)

وان كانت همتها عالية تدعو الله له بالهدایة ما عندهاش همة يعني تحط همهما في بطنهما كما يقولون وتسكت ما تفتش لو قبل منها
نصيحة تنصحه. لو قبل انما هيقلب عليها انت عرفت منين وما فيش حاجات من اللي بتقول عليها ديت ويسود عيشهما والكلام ده كله
- [01:02:53](#)

يعني ان قبل نصيحة تنصحه ان كانت همة عالية زي ما باقول لك كده تدعوه له بالهدایة. اما رحمة بها بنفسها ورحمة باولادها ان كان
عندها اولاد ما تفتش وراها - [01:03:29](#)

لا وتسبيب امره الى الله الله كفيل باصلاحه او عقابه وعقاب مسل هؤلاء الازواج ليس بالضرورة ان يكون في نسائهم او بنائهم ليس
بالضرورة انما وارد ان يكون عقابه في نسائهم وفي بنائهم. بمعنى - [01:03:46](#)

ان هو كما اعتدى على اعراض الاخرين يعتدى على عرضه لكن لو كانت الزوجة عفيفة شريفة منضبطة الله عز وجل يعاقبه باي شيء
اخر. كذلك بناته اذا كانوا يتلزم الطريق الصحيح - [01:04:14](#)

يؤدون الصلاة يلبسوا اللباس الشرعي الله عز وجل كفيل ان يعاقبه بما عنده ولا تكون المصيبة في الزوجة او البنات اما الزوجة زي ما
قلت لكم كده يبقى هي ما تفتش - [01:04:33](#)

عشان ما تتع بشيء ومش هتوصل لحاجة الا الفضيحة من قتل مؤمنا متعمدا فجزاؤه جهنم. بالنسبة للمسلم هيدخل الجنة عقب
الانتهاء من من حسابه وبالنسبة للنصراني مهم ما يعمل في دينيه ان يدخل الجنة - [01:04:52](#)

فما قولك نعم قتل المؤمن متعمدا جريمة وكبيرة من الكبار كما قال رب العزة ومن قتل مؤمنا متعمدا فجزاؤه جهنم خالدا فيها
وغضب الله عليه ولعنه واعد له عذابا عظيميا - [01:05:15](#)

الخلود هنا معناه طول المدة ليس الخلود ان خالد فيها ابدا. لأن المسلم مهما طال مكته في النار خارج ان شاء الله منها مهما طال
بشفاعة الرسول بشفاعة الشهداء بشفاعة الصالحين بشفاعة رب العالمين - [01:05:33](#)

خارج خارج لقول النبي صلى الله عليه وسلم من قال لا الله إلا الله نفعته يوماً من دهره. من قال لا الله إلا الله نفعته يوماً من دهره مهما يصيبه - [01:05:58](#)

وهو خارج منها خارج اما النصراني او غير المسلم بصفة عامة بقى نصراني غير نصرانية. وعابد الفيران وعابد البقر وكل الاشكال دي دول لا نصيب لهم في الجنة البتة. طالما ماتوا على ما هم عليه - [01:06:13](#)

اذا ماتوا على ما هم عليه لا نصيب له في الجنة ابدا لأن النبي صلى الله عليه وسلم قال لن يدخل الجنة إلا مؤمن إلا مؤمن بس مؤمن معاه جنوب هيدخل - [01:06:34](#)

مؤمن انه خالي من الزنوب يدخل بل قد يدخل بغير حساب. اما غير مؤمن ومعه حسنات ليست من الائيمان ما يدخل ابدا. لأن ممكن يكون معه حسنات ممكن يكون معه حسنات - [01:06:58](#)

اعمال خيرية بيعملها مسلا هو عموماً هيجازى بها في الدنيا بس حسناته في الآخرة. اما في الآخرة ما لو ش حسنات اصلا. لأن الائيمان ده شرط لدخول الجنة فالMuslim فقط او المؤمن فقط هو اللي هيدخل الجنة. غير المؤمن فلا. اي كان بقى دينه اي كانت وجهته - [01:07:18](#)

نعم انا وصلى الله لهم وسلم وبارك على نبينا محمد وعلى الله وصحبه وسلم - [01:07:44](#)